



### INFORME ARQUEOLÓXICO.


### INTERVENCIÓN QUE AFECTA UN BEN DO PATRIMONIO CULTURAL DE GALICIA

EXPEDIENTE:	1334/20
ASUNTO:	ALLEAMENTO DE MADEIRA
CONCELLO:	PORTO DO SON
SITUACIÓN:	MONTE IROITE.
BEN AFECTADO	CONTORNO PETRÓGLIFO DO OUTEIRO DA MALDA 1 (GA15071156) DO PETRÓGLIFO DO OUTEIRO DA MALDA 2 (GA15071156), PETRÓGLIFO DO AGRO DO RODO 2 (GA15071041), PETRÓGLIFO DO AGRO DO RODO 2 (GA15071041), BENS CATALOGADOS SEGUNDO O ART. 30.1 DA LEI 5/2016. (PXOM 2016-04-28).

### ANTECEDENTES E FEITOS

De acordo co disposto nos artigos 8 e 30 da Lei 5/2016, do 4 de maio, do patrimonio cultural de Galicia, este ben, que polo seu interese cultural está recollido individualmente nun instrumento do planeamento urbanístico, teñen a consideración de bens catalogados.

Ao afectar a intervención a un ben do patrimonio cultural de Galicia, segundo o artigo 39 da Lei 5/2016, do 4 de maio, do patrimonio cultural de Galicia, precisa de autorización previa da consellería con competencias en patrimonio cultural.



A solicitude de autorización é remitida polo Servizo de Montes e ten entrada neste servizo o día 23/07/2020. Trátase de labores de aproveitamento madeireiro no monte Iroite, promovidas pola CMVMC de Goiáns e afectadas polo Contorno de Protección establecido no PXOM para os petróglifos de Outeiro da Malda 1 (GA15071156) e Outeiro de Malda 2 (GA15071156), Agro do Rodo 1 (GA15071040) e Agro do Rodo 2 (GA15071041) así coma no contorno de protección do Castro de Valcunheiro (GA15071003).

### CONSIDERACIÓNS TÉCNICAS E INFORME

Solicítase a corta da masa arbórea da superficie sinalada no plano en formato SHP que acompaña á solicitude. Esta superficie está parcialmente afectada polo Contorno de Protección de varios xacementos arqueolóxicos segundo aparece grafado no planeamento municipal. A distancia do xacementos ao lugar onde se realizarán os traballos de aproveitamento son:

Petróglifo Outeiro da Malda 1: 85 metros.

Petróglifo Outeiro da Malda 2: 216 metros.

Petróglifo Agro do Rodo 1: 66 metros.

Petróglifo Agro do Rodo 2: 119 metros.

Castro de Valcunheiro: 222 metros.

Tendo en conta a distancia entre os xacementos e a fisiografía e configuración da paisaxe cultural, **infórmase favorablemente de acordo co seguinte:**

- A Comunidade de Montes de Goiáns deberá facilitar á empresa que se encargue dos traballos de corta un plano detallado onde figuren os xacementos arqueolóxicos dos que é obxecto este informe, así coma a relación deles respecto a parcela. A saca de madeira deberá efectuarse pola pista existente ó sur do ámbito que se pretende cortar. Non se autoriza o tránsito de maquinaria fóra dos límites solicitados, a excepción de dita pista e o interior da dita superficie.
- No caso de que si se vaian arrincar as raíces e cachopas:** Previo ao inicio da tala ou calquera labor relacionado con ela, deberá ser presentado para a súa autorización un proxecto de control e seguimento arqueolóxico de remocións de terras. A tala non poderá comezar en tanto non se autorice o devandito proxecto.



- c) No caso de que non se vaian arrincar as raíces e cachopas: Para posibilitar e facilitar os labores de vixilancia e inspección; antes de empezar as obras e con antelación suficiente, o solicitante informará a este Servizo de Patrimonio Cultural da data de inicio dos traballos. Os traballos non poderán comezar en tanto non se teña comunicado o seu inicio. Nun prazo de tres meses, contado desde o remate da corta, deberá ser presentada neste servizo de patrimonio cultural unha memoria fotográfica na que se verifique documentalmente o proceso seguido e o cumprimento das presentes condicións.
- d) En calquera caso: non se realizarán apertura de accesos ou outro tipo de actividades complementarias que poidan alterar os xacementos, tanto as súas estruturas como o substrato arqueolóxico. No caso de realizar plantacións deberán estar debidamente autorizadas por esta consellería.

